



**JU ZAVOD ZA MEDICINU RADA KANTONA SARAJEVO**  
**Bulevar Meše Selimovića broj 2, 71000 Sarajevo, Bosna i Hercegovina**

Tel: +387 33 720 180; 720 181; 720 185  
033 720 187

Fax: +387 33 720 185; 720 187

email: zzmrrks@bih.net.ba; zzmrr@bih.net.ba  
zzmrrks.fin@bih.net.ba  
www.medicinarada.ba



Broj: 01-08-1434-4/23

Datum: 24.10.2023. godine

Na osnovu člana 100. stav (3) Zakona o javnim nabavkama („Službeni glasnik BiH“ broj 39/14 i 59/22), u daljem tekstu ZJN, člana 108. stav (4) i člana 199. stav (3) Zakona o upravnom postupku („Službeni glasnik BiH“ broj 29/02, 12/04, 88/07, 93/09, 41/13 i 53/16) rješavajući po žalbi ponuđača/kandidata Privredno društvo „RUBIKON“ d.o.o. Bijeljina ul. Petrogradska broj 1/17, izjavljena putem iskazanog punomoćnika advokata Milana Milovanovića iz Bijeljine ul Gavrila Principa 11/2, Bijeljina izjavljenu na tendersku dokumentaciju preuzetu sa portala javnih nabavki dana 20.10.2023. godine, broj obavještenja o nabavci 755-7-1-155-3-53, objavljene dana 19.10.2023. godine, koja se odnosi na „Informatička oprema računari“, broj 01-08-1434-3/23, direktor Zavoda donosi sljedeću

**ODLUKU**  
**o usvajanju žalbe**

1. Usvaja se kao osnovana žalba ponuđača Privredno društvo „RUBIKON“ d.o.o. Bijeljina ul. Petrogradska broj 1/17, izjavljena putem iskazanog punomoćnika advokata Milana Milovanovića iz Bijeljine ul Gavrila Principa 11/2, Bijeljina u postupku javne nabavke „Informatička oprema računari“ broj 01-08-1434-3/23, objavljena na portalu javnih nabavki obavještenjem o nabavci broj 755-7-1-155-3-53, objavljene dana 19.10.2023. godine.

2. Ova odluka je osnov za preduzimanje radnje ispravljanja od strane Ugovornog organa i izmjenu Tenderske dokumentacije broj: 01-08-1434-3/23.

3. Ugovorni organ će o preduzetoj radnji izmjene obavijestiti sve potencijalne učesnike u postupku, te će ova Odluka biti objavljena na web stranici ugovornog organa.

4. U pogledu zahtjeva žalitelja za naknadu troškova po predmetnoj žalbi, ugovorni organ će donijeti poseban zaključak.

5. Odluka stupa na snagu danom donošenja

**Obrazloženje**

Ugovorni organ JU Zavod za medicinu rada Kantona Sarajevo je pokrenuo konkurentski postupak javne nabavke „Informatička oprema računari“ broj: 01-08-1434-3/23. U predmetnom postupku javne nabavke na tendersku dokumentaciju broj: 01-08-1434-3/2 potencijalni ponuđač Privredno društvo „RUBIKON“ d.o.o. Bijeljina ul. Petrogradska broj 1/17, izjavilo je žalbu putem punomoćnika advokata Milana Milovanovića iz Bijeljine ul Gavrila Principa 11/2, Bijeljina, a koja je kod ugovornog organa zaprimljena dana 23.10.2023. godine, protokolisana pod brojem: 1659/23.

Ugovorni organ JU Zavod za medicinu rada Kantona Sarajevo konstatuje da je žalba blagovremena, dopuštena i izjavljena od ovlaštenog lica.

U žalbi žalioaca navedeno je da tenderska dokumentacija nije sastavljena u skladu sa odredbama Zakona o javnim nabavkama („Službeni glasnik BiH“ broj 39/14 i 59/22) zbog slijedećih navoda:

Žalbeni navod se odnosi na obrazac za cijenu ponude – robe dat u Aneksu 2 predmetne tenderske dokumentacije na strani 10.

U obrascu za cijenu ponude – robe pobijane tenderske dokumentacije Ugovorni organ je propisao:

Ovako propisani uslovi u obrascu za cijenu ponude – robe na strani 10. tenderske dokumentacije su kršenje člana 54. stav (10) Zakona o javnim nabavkama („Službeni glasnik BiH“ broj 39/14 i 59/22): „(10) Ako se izuzetno objavi poziv za određeni proizvod sa dodatkom "ili ekvivalent", ponuđač mora na za to predviđenim praznim mjestima, prema odgovarajućim stavkama, navesti podatke o proizvodu i tipu odgovarajućeg proizvoda koji nudi te, ako se to traži, i ostale podatke koji se odnose na taj proizvod. Kriterijumi mjerodavni za ocjenjivanje ekvivalentnosti navode se u opisu predmeta nabavke. Ponuđač je dužan da obezbijedi dokaz ekvivalentnosti u smislu ispunjenja zahtjeva vezano za predmet nabavke u skladu sa zahtjevima definisanim u tenderskoj dokumentaciji. Proizvodi koji su u tenderskoj dokumentaciji navedeni kao primjeri smatraju se ponuđenima ako ponuđač ne navede nikakve druge proizvode na predviđenom mjestu.“

Kao i kršenje član 3. Uputstva za pripremu modela tenderske dokumentacije i ponuda (Sl. glasnik BiH 90/14), a u kojem se kaže:

„2)Ukoliko je potrebno koristiti termin "ekvivalent", utvrditi odgovarajuće kriterije za ocjenjivanje ekvivalentnosti kod pozivanja na određeni proizvod, u skladu sa članom 54. stav (10) Zakona;“

„13) ako je u tehničkoj specifikaciji korišten izraz "ili ekvivalent" obavezno opisati način na koji će ponuđači koji ponude "ekvivalent" dokazivati da se radi o ekvivalentu;“

Dakle, ugovorni organ je suprotno članu 54. stav (9) i (10) Zakona o javnim nabavkama („Službeni glasnik BiH“ broj 39/14 i 59/22) naveo tačno određenog proizvođača ili je prepisao tehničke karakteristike samo jednog modela bez mogućnosti nuđenja ekvivalenta, a što je suprotno članu 54. stav (9) i (10) Zakona o javnim nabavkama („Službeni glasnik BiH“ broj 39/14 i 59/22), kao i Uputstva za pripremu modela tenderske dokumentacije i ponuda (Sl. glasnik BiH 90/14), u članu 3. pod **e) alineja 13. je navedeno da je ugovorni organ u slučaju korištenja izraza „ekvivalent“ (ugovorni organ čak i ne daje mogućnost nuđenja ekvivalenta) u obavezi da ostavi prostor da se u odgovarajućim praznim poljima upiše ekvivalent koji se nudi.**

Žalitelj predlaže da ugovorni organ usvoji žalbu u cjelosti, svojim rješenjem ispravi tendersku dokumentaciju.

Ugovorni organ je žalbu razmotrio i ugovorni organ iznosi da je ista osnovana. Ugovorni organ će izvršiti ispravku tenderske dokumentacije u dijelu na koji se odnosi žalbeni navod, te izmjenu objaviti na portalu Agencije za javne nabavke.

Slijedom svega izloženog, donesena je odluka kao u dispozitivu.

Ugovorni organ JU Zavod za medicinu rada Kantona Sarajevo će žalitelju nadoknaditi troškove po predmetnoj žalbi o čemu će se donijeti poseban zaključak.

Pouka o pravnom lijeku

Protiv ove Odluke može se izjaviti pismena žalba Uredu za razmatranje žalbi (URŽ) putem Ugovornog organa u roku od 5 (pet) dana od dana prijema ovog Rješenja.

Dostaviti:

- Advokat Milan Milovanovića iz Bijeljine ul Gavrila Principa 11/2, 76300 Bijeljina
- Web stranica JU Zavod za medicinu rada Kantona Sarajevo
- a/a

Direktor

